



◆逸峰

盛情傳譯漢詩詞（軋體七律）  
——譯壇盛宴／慶賀醺人兄卓著出版

盛情傳譯漢詩詞，展示醺翁漱玉姿。  
義務胸襟開闊獻，遊蹤瀚海貼心持。  
贊同真理忠誠備，欣賞賦歌浪漫宜。  
樂意歌吟唐宋曲，歡嘗庫釀暢華夷。

域外寒冬風雪季，盛情傳譯漢詩詞。  
良知饋世當留記，暢筆凌霄不變移。  
世界文明方向異，人間道義蘊涵慈。  
公平互敬交流擊，暴戾淫威慎質疑。

白髮幽居尋野趣，依然率性隨機赴。  
盛情傳譯漢詩詞，堅志發揮龍馬步。  
百代流芳曲賦存，千秋耀譽梅蘭慕。  
善良恭敬薦鴻熙，體會安寧奇妙塑。

追隨古典四維煦，出色華章結集垂。  
名曲唱酬風雅頌，盛情傳譯漢詩詞。  
虔誠篤友溫淳縱，睿智嚴師奧妙漪。  
美夢追求恰趁機，溫馨記憶勝靈芝。

編排細緻篇章茂，墨寶端莊封面秀。  
傑作續紛創意濃，豐容雋蔚思維富。  
盛情傳譯漢詩詞，虔念列陳新節奏。  
世上同人自此知，菲華種玉藍田懋。

古老文明華夏慧，仁慈理念善良滋。  
順從良策潛規制，遵守善表抱負熙。  
明智慎聽真釋諦，盛情傳譯漢詩詞。  
包容借鑒歌吟遞，盪氣迴腸浩瀚彌。

綠野賡歌誰主角，學無止境宏寥廓。  
芬芳錦繡綻新姿，雅緻珠璣弘法約。  
燦爛扶搖海角涯，葱蘢隱映山陵壑。  
盛情傳譯漢詩詞，再借溫風邀挹酌。

承先啟後尚無欺，敬佩綱常理性巋。  
仰慕前賢留典範，扶持後學覺神奇。  
慈悲執義塵寰慶，灑脫開懷韻律維。  
灌頂醍醐宜至善，盛情傳譯漢詩詞。

行香子·壯志凌霄

壯志凌霄。自信揚鏢。築平臺、研究瓊瑤。太空探索，科技新高。合成天艙，夢天路，問天驕。

蓋世英豪。率領風騷。展雄姿、華夏神雕。耐勞堅忍，虎略龍韜。自強莊嚴，歷艱鉅，馭新潮。

◆宸馨

少年游·荷陰（依龍譜）

羅裙新萼，嬌腮湛露，香沁一池幽。素影融情，碧波蕩韻，蛙鼓震朱樓。

撩人意、月華搖醉，千葉隱孤舟。蔭宿鴛鴦，出泥不染，此景幾春秋。

◆弄潮兒

大暑

街市冒煙年復年，汗流浹背苦熬煎。  
終年如夏椰鄉地，勝似天天大暑天。

大暑有句

南山雷雨兩瀟瀟，瀛海狂風弄弄潮。  
吟罷清明歌大暑，社翁心裡起狂飆。  
注：今年椰鄉清明無雨，今日大暑雷雨連天，有感氣候反常，小詩以記。

嵌入陸弼「江城初伏熱如煮」句，作七絕一首

江城初伏熱如煮，一雨椰鄉涼似秋。  
火熱水深何所懼？逆來順受自風流！

◆松濤

俗客何愁——盛夏寄友人

漁灣漲海水初晴，夕照舟帆似葉輕。  
小憩林陰消暑氣，偶聞蟬語問秋聲。  
青山依舊蒼顏駐，俗客何愁白髮生。  
夜笛新翻紅豆曲，牽吟遙寄故人情。

◆施滄液

詠蟬

聲聲知了究何知，信是欺人更自欺。  
身外嚴寒渾不見，吟中酷暑唱忘疲。  
居高莫道風涼話，響絕誰憑霜滿枝。  
無舌難嘗甘苦味，衣冠委蛻占新奇。

次韻松濤詩長《俗客何愁》

垂柳千絲釣晚晴，欲驅暑氣水風輕。  
二三螢火穿林出，一抹蟾光隔樹明。  
天籟靜時清露響，塵心歇處夜涼生。  
孤吟自得山居趣，蒲扇漫搖疏世情。

◆王承天

憶偕賢友閒步岷海灣

岷灣遠眺碧連天，偕友悠遊填海邊。  
斜日煙波掀浪跡，歸船帆點沒雲巔。  
驚濤拍岸雪花白，繞霧飛鷗姿態妍。  
最是夜闌燈火閃，輕歌慢調對嬋娟。

小暑

交逢伏暑夏連綿，四野生機氣盎然。  
雲宇商霖如意至，荷塘蛙鼓及時傳。  
清風屢入千家屋，香稻頻來萬畝田。  
蟬曲高枝揚韻律，細聽猶若唱豐年。

◆客寧

桂林山村

墨濤雲涌天庭闊，綠野山屏草木盈。  
漫說桂林村景畫，白牆灰瓦逸風情。

◆蔡天生

勿忘國恥 振興華夏

憶秦娥·紀念盧溝橋事變 85 週年

真悲切，盧溝橋上槍聲烈。槍聲烈，國土淪陷，日倭猖獗。中華民族同心結，萬千壯士流鮮血。流鮮血，驅除外侮，氣衝天闕！

◆竹草

婆羅門引·雨夜思懷

欺花凌葉，寒聲徹夜未曾休。庭園又綴新愁。燕子廊廊低語，春色已難留。況飛紅鋪徑，不忍凝眸。情多怨尤，且莫說、恨同酬。獨倚西窗聽雨，誰與綢繆。深宵無夢，對芳樽、離緒比酒稠。長相伴、唯有詩儔。

◆醺人

返步奉和

竹草女史《婆羅門引·雨夜思懷》  
詞牌送酒，經常自得樂無儔。杯中不計稀稠。夜雨偏逢屋漏，桑土未綢繆。網絡傳佳玉，返步欣酬。幽思溢尤。弄平仄、註人眸。字內知音三兩，雅訊延留。擬新復古，伴文字、醒醉悉消愁。箇中趣、欲道還休！

◆老頑童

返步奉和

逸峰兄《行香子·壯志凌霄》  
待創時潮。具備雄韜。探玄穹、篆刻蟲雕。越俄趕美，數我明騷。締科之晶，技之最，世之豪。氣概充驕。節節升高。駕航天、不二熙瑤。太虛絕頂，聚勁連鏢。壯懷凌雲，舉凌翥，志凌霄。

一七令·家仇國恨蘆溝泣

——哀憫七七事變 85 週年

七，七。國人，同叱。血淋淋，安忍述。命債堆疊，逾千萬筆。昭和鬼子頭，強盜行心術。橫刀捍衛華夏，豪傑星文姓吉。首兇法外竟逍遙，溫史感傷哀此日！



【南瀛社課 / 2022 年 7 月】

題目：雨思  
詩詞皆可、韻腳自定

弄潮兒

雨中煙繆繞，  
煙裡雨纏綿。  
快意煙中雨，  
恩仇雨裡煙。

少峰

二伏驕陽似火侵，  
祈天潤物化甘霖。  
知時莫瀉傾盆雨，  
草木蒙災亂寸忱。

惜貞

倚窗聽雨訴衷腸，  
攜入詩心佐墨香。  
落蕊驚雷含淚去，  
揮毫拾錦賦情長。

陳貽新（建亨）

催眠熱浪夜三更，  
時雨飛飄夢裡橫。  
琴韻和音窗外急，  
新涼一曲入書聲。

亦萍

窗外烏雲壓境狂，  
高樓品茗緒無疆。  
猶如身在水簾洞，  
欲向兩天尋妙章。

松濤

伏暑沙蒸已近秋，  
南湖翠蓋擁蓮舟。  
炎氛不散幾時盡，  
熱浪襲來何處悠。  
夏日當空驕似火，  
甘霖疏落貴如油。  
夜闌驟雨西風急，  
鷗影隨波任自流。

王承天

一、  
煙霞漫竹林。霖雨奏瑤琴。  
暑滌江山麗，友來茶酒斟。  
敲詩消夏夜，祈霽發清吟。  
農稼收割季，豐收如願臨。

二、  
黃昏消暑可徘徊，  
雨霽風清攜友來。  
江鯉周遊遠客樂，  
蜻蜓巧點小荷開。  
群花爛漫心澄澈，  
寰宇和諧息患災。  
但願人間情義在，  
天公吾盼降英才。

三、浣溪沙  
葉密難尋翠羽飛，  
枝橫頻見夏蟬姿。  
徜徉山苑不知歸。  
水綠多情浮翠鯉，  
花紅得意入新詩。  
飄飄細雨濕吾衣。

農夫

行香子

鳥囀椰鄉，鷗戀岷江。繁花放，百果吹香。今當盛夏，卻勝春光。笑朝來晴，午來雨，晚來涼。

風雲莫測，好景難長。憶當年，天怒逞狂。家園慘毀，民眾遭殃。嘆泥成河，屋成島，地成洋。

醺人

雨霖鈴

——返步柳屯田「寒蟬凄切」

幽思難說。對毛毛雨，醉吟天設。延齡鬧市歸隱，常詩緒沸，誰分年月。世外風光怡悅，況涼爽時節。網訊通、酬唱交流，縱使家鄉亦無別。

知音處處穹蒼闊。按鍵盤、玉食逾三咽。晨昏酒釀牙祭，平水韻、任君開發。笑傲乾坤，伏櫪耕犁未敢停歇。邁濁濫、不羨虛名，自得假殷切。

鎖寒窗

——步韻周美成「暗柳啼鴉」

濁酒千杯，歪詩幾首，不求朱戶。幽居炎夏，消暑喜逢清涼雨。跨時空、宇內知音，推心置腹憑肩語。半世玩平仄，清風兩袖，坦然棲旅。

閑暮。開心處。品釀弄詩詞，勝登九五。吟哦鬥醉，逸緻招朋呼侶。鎖樓窗、燈下酬和，豪情雅趣君知否。網絡間、攜手言交，盛意盈樽俎。

宸馨

畫堂春

悶雷送雨沐窗櫺。風搖筠葉柔聲。一壺香茗伴三更。燈影分明。

數載煙塵歲月，幾多詩畫人生？芳箋著墨賦曾經。心緒難平。

許宛兒

江城子

匆匆夏去又清秋。任煩憂。滿霜頭。雨叩紗窗、可理素心愁。記取青蔥飄雨季，如絲落，墜明眸。

憑欄把酒佇危樓。願停留。悵何休。自別江南、幾度思幽幽。風物年年歸昨日，辰光逝，去難收。

逸峰

一七令

雨。  
雲淵，水府。  
宇宙態，仙醪乳。  
氣候關鍵，蒼黎濟主。  
瀚海浪濤吟，江山華彩舞。  
存活健康條件，灌溉萌滋命譜。  
司人寰發展資源，誠世界生物養母。

勞麓

奉和逸峰兄《一七令》  
(題韻不動，餘韻返步)

雨。  
天君，地母。  
細胞源，魂靈譜。  
佈霧龍飛，穿雲鳳舞。  
魚蝦樂遨遊，赦廣欣作主。  
花草碳化生綠，動物孩提供乳。  
五行生剋滿乾坤，雄峙北方宗紫府。